

## Verklagsreglur

um mat á námskeiðum, verkefnum og öðru framlagi doktorsnema við lagadeild Háskóla Íslands

### 1. gr.

Markmið þessara reglna er að gera mat á námskeiðum, verkefnum og öðru framlagi doktorsnema gegnsætt.

### 2. gr.

Doktorsnám við lagadeild er 90 e. Lengd ritgerða skal taka mið af efni og uppbyggingu ritgerðar hverju sinni. Námskeið, verkefni og annað framlag doktorsnema skal að lágmarki jafngilda 15 e (30 ECTS) af 90 e.

### 3. gr.

Doktorsnemi ber ábyrgð á að halda saman öllum gögnum sem máli skipta, s.s. bréfum, lýsingum á námskeiðum, dagskrám ráðstefna og málstofa, viðurkenningum, staðfestingum og öðru sem máli getur skipt vegna matsins.

Doktorsnemi leitar bréflega eftir því að rannsóknanámsnefnd meti vinnu til eininga. Beiðni skal fylgja stutt greinargerð og rökstuðningur ef 7. liður 4. gr. á við. Senda skal nefndinni beiðni um mat fyrir 15. mars og 15. október.

Að fenginni tillögu rannsóknanámsnefndar um afgreiðslu tekur deildarfundur ákvörðun um hvort doktorsnemi hafi lagt fram fullnægjandi gögn og skýringar og skal honum tilkynnt ákvörðunin bréflega.

### 4. gr.

Við matið skal fylgja eftirfarandi viðmiðum:

1. Að jafnaði skal hver heill dagur á námskeiði sem ætlað er doktorsnemum eða heill dagur á sambærilegu námskeið, metinn sem 1 e. Þetta á þó ekki við ef undibúningsvinna er takmörkuð og skal þá dagurinn metinn til 1/2 e.

2. Eigin rannsóknarverkefni skulu metin til 2 e. Þátttaka í rannsóknaverkefnum annarra skal metin til 1 e. Með eigin rannsóknarverkefnum er fyrst og fremst átt við birtar ritrýndar greinar.

3. A.m.k. 6 e skulu vera vegna þátttöku í námskeiðum í aðferðafræði og réttarheimspeki (grunnnámskeið) og námskeið og ráðstefnur á fræðasviði doktorsnema.

4. Námskeið í uppeldis- og kennslufræðum má að hámarki meta til 2 e.

5. Námskeið á meistarastigi eru að jafnaði ekki metin til eininga nema í þeim tilvikum að leiðbeinandi hafi gert doktorsnema skylt að sækja slík námskeið og skal námskeið að hámarki metið til 1 ½ e.

6. Að jafnaði skal styðjast við það mat sem háskólar í Evrópu leggja til grundvallar fyrir námskeið, málstofur o.þ.h. og doktorsnemar lagadeildar taka þátt í. Í þeim tilvikum sem námskeið eru tekin við háskóla sem ekki styðjast við ECTS kerfið skal meta námskeið og málstofur sérstaklega.

7. Heimilt er að meta aðra vinnu doktorsnema til eininga, t.d. fundarstjórn og skipulagningu ráðstefna, rannsóknadag í félagsvísindum (Rannsóknir í félagsvísindum) og málstofa, fyrirlestra á ráðstefnum og málstofum, stjórnarsetu í hagsmunafélögum doktorsnema og aðra sambæilega vinnu.

### **5. gr.**

Verklagsreglur þessar voru samþykktar af rannsóknanámsnefnd þann 26. mars 2007 og kynntar á deildarfundi 24. apríl 2007 og öðlast þegar gildi.